

**OSNOVNI SUD U  
ZVORNIKU**

**Na osnovu člana 43. stav 2. tačka z) i člana 241. stav 1. ZKP RS, podižem**

**OPTUŽNICU**

Protiv:

**M. G.**, rođen ... godine u O., opština K.,

Što je:

1. U toku noći 15/16.08.2024.godine u mjestu B. opština Zvornik, došao u ugostiteljski objekat zv.,...“ vlasništvo P. Č. i nakon verbalnog sukoba sa P. Č. i njegovim sinom P. A., uputio im je prijetnju „sve ću vas pobiti, vi ćete mene zapamtiti, ja sam zatvorio lokal –osmicu- zatvoriću i vas, dolaziću svakodnevno da vas ometam u radu, ne znate vi ko sam ja“, što je kod P. Č. i P. A. izazvalo osjećaj straha i ugroženosti za svoj život.

**dakle**, ugrozio sigurnost više lica ozbiljnom prijetnjom da će ih lišiti života,

2. Dana, 29.08.2024. godine oko 06,40 sati u mjestu B. opština Zvornik, došao u ugostiteljski objekat zv.“...“ vlasništvo P. Č., (u koji je ušao na vrata sa zadnje strane lokala obzirom da su ulazna vrata bila zaključana), te u namjeri da ga tjelesno povrijedi prišao je s leđa radniku P. A. u prostoru šanka i udario ga više puta rukama u predjelu glave, kojim udarcima ga je oborio na patos, a zatim dok je ležao na patosu, udario ga više puta nogama i zatvorenim pesnicama u predjelu glave i drugih dijelova tijela, što je nastavio činiti i nakon što je P. A. uspio da ustane i izađe iz prostora šanka u ugostiteljski objekat, kojom prilikom je osumnjičeni M. G. i jedanput metalnom stolicom udario P. A. u predjelu glave, pa kada je P. A. uhvatio stolicu rukom i kada se pojavio radni kolega zv.“T.“ kojeg je u pomoć pozvao P. A., osumnjičeni M. G. je potrčao u pravcu zaključanih ulaznih vrata, ista otključao i udaljio se u nepoznatom pravcu, usljed kojih udaraca je P. A. zadobio tjelesne povrede u vidu krvnog podliva potiljka i ogrebotine lijeve strane leđa, a istovremeno tokom tuče osumnjičeni M. G. je oštećenom P. A. uputio i prijetnju „sve ću vas pobiti majku vam jebem“ koje prijetnje je P. A. shvatio ozbiljno uplašivši se za svoj život,

**dakle**, drugog tjelesno povrijedio sredstvom podobnim da tijelo teško tjelesno povrijedi, i ugrozio sigurnost lica ozbiljnom prijetnjom da će njega i njemu blisko lice lišiti života,

**čime je** radnjom pod tačkom 1. počinio k.d. – ugrožavanje sigurnosti iz člana 150. stav 2. KZ RS, a radnjom pod tačkom 2. počinio k.d. – tjelesna povreda iz člana 131. stav 2. KZ RS, u sticaju sa k.d. – ugrožavanje sigurnosti iz člana 150. stav 1. a u vezi sa članom 56. istog zakonika.

[...]

OKRUŽNI JAVNI TUŽILAC

**Napomena:**

**„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“**